

光緒吉林通志

吉林通志卷四十四

學校志一 祀典上

歷代

周魯哀公十六年夏四月己丑孔子卒公誅之日昊天不弔不憇遺一老俾屏余一人以在位奠奠余在

疾嗚呼哀哉尼父無自律

左傳

漢封孔子九代孫騰爲奉祠君

闕里志

武帝元朔二年拜孔臧爲太常恩賜如三公禮

同上

元帝卽位徵孔霸以帝師賜爵關內侯食邑八百戶

號褒成君

漢書孔光傳

成帝綏和元年封孔吉爲殷紹嘉侯三月進爵爲公

地百里

漢書本紀十

平帝元始元年封孔子後孔均爲褒成侯奉其祀道

諡孔子曰褒成宣尼公

漢書本紀十二

後漢世祖建武五年封殷後孔安爲殷紹嘉公

後漢書本

紀上

十四年封孔子後志爲褒成侯

後漢書本紀一下

明帝永平二年郡縣道行鄉飲酒禮

原書無禮字於據祀典考增

學校皆祀聖師周公孔子牲以犬

續漢志禮儀四

和帝永元四年徙封孔損爲褒亭侯

後漢書儒林傳上

光和元年置鴻都門學畫孔子及七十二弟子像

後漢

書蔡邕傳下

魏文帝黃初二年春正月以議郎孔羨爲宗聖侯

魏志

本紀

晉武帝泰始三年改封孔子二十三代孫宗聖侯孔

震爲奉聖亭侯

文獻通考四十三

孝武帝太元十一年封孔靖之爲奉聖亭侯奉宣尼

祀

晉書本紀九

宋文帝元嘉十九年詔奉聖之後可速議繼襲

宋書本紀

五

孝武帝孝建元年詔開建廟制同諸侯之禮厚給祭

秩

宋書本紀六

齊武帝永明三年詔立學有司奏宋元嘉舊事學生到先釋奠先聖先師禮又有釋菜未詳今當行何禮用何樂及禮器尙書令王儉議釋菜禮廢今之所行釋奠而已金石俎豆皆無明文方之七廟則輕比之五祀則重陸納車允謂宣尼廟宜依亭侯之爵范甯欲依周公之廟用王者儀范宣謂當其爲師則不臣之釋奠日宜備帝王禮樂此則車陸失於過輕二范傷於太重元嘉立學裴松之議應舞六佾以郊樂未

具故權奏登歌今金石已備宜設軒縣之樂六佾之

舞牲牢器用悉依上公

南齊書禮志

梁武帝天監四年正月置五經博士各一人分遣博

士祭酒廵州郡立學六月初立孔子廟

資治通鑑一百四十六

敬帝太平二年詔搜舉魯國之族以爲奉聖後并繕

廟堂四時薦秩一皆遵舊

梁書本紀六

陳廢帝光大元年以兼從事中郎孔英哲爲奉聖亭

侯奉孔子祀

陳書本紀四

北魏太祖天興四年二月丁亥命樂師入學習舞釋

菜於先聖先師

魏書本紀二

顯祖皇興三年詔賜孔氏四人官

闕里志

高祖延興二年詔有司祭孔子廟制用酒脯不聽婦女合雜以祈非望之福犯者以違制論其公家有事

自如常禮

魏書本紀七上

三年以孔子二十八世孫乘爲崇聖大夫

同上

太和十六年改謚宣尼曰文聖尼父告謚孔廟

魏書本紀

下七

十九年改封二十八葉孫珍爲崇聖侯

文獻通考四十三

二十一年賜田以養孔氏子孫

闕里志

北齊文宣帝天保元年詔封崇聖侯邑一百戶以奉

孔子之祀

北齊書本紀四

後齊制新立學必釋奠禮先聖先師每歲春秋二仲常行其禮每月旦祭酒領博士已下及國子諸學生已上太學四門博士升堂助教已下太學諸生階下拜孔揖顏日出行事而不至者記之爲一負雨露服則止郡學則於坊內立孔顏廟博士以下亦每月朝

云

隋書禮儀志九

北周宣帝大象二年三月追封孔子爲鄒國公并立

後承襲

北周書本紀七

隋制國子寺每歲以四仲月上丁釋奠於先聖先師

年別一行鄉飲酒禮州郡學則以春秋仲月釋奠亦

每年於學一行鄉飲酒禮

隋書禮儀志九

文帝開皇時贈孔子爲先師尼父

闕里志

文帝仍舊封孔子後爲鄒國公煬帝改封爲紹聖侯

文獻通考

四十三

唐高祖武德九年封孔子之後爲褒聖侯

新唐書禮樂志十五

太宗貞觀二年左僕射房元齡等建議武德中詔釋

奠於太學以周公爲先聖孔子配享臣以爲周公尼

父俱稱聖人庠序置奠本緣夫子故晉宋梁陳及隋

大業故事皆以孔子爲先聖顏回爲先師歷代所行

古今通允請停祭周公升孔子爲先聖以顏回配詔

從之

文獻通考四十三

四年詔州縣學皆作孔子廟

新唐書禮樂志十五

十一年詔尊孔子爲宣父

同上

二十一年詔以左邱明卜子夏公羊高穀梁赤伏勝

高堂生戴聖毛萇孔安國劉向鄭眾杜子春馬融盧

植鄭康成服虔何休王肅王弼杜預范甯賈逵等二

十二人代用其書垂於國胄自今有事於太學並命

配享宣尼廟堂

舊唐書本紀三禮儀志二十四

春秋二仲行釋奠之禮初以儒官自爲祭主許敬宗

等奏曰凡在小神猶皆遣使行禮釋奠既準中祀據
理必須稟命今請國學釋奠令國子祭酒爲初獻祝
辭稱皇帝敬遣仍令司業爲亞獻國子博士爲終獻
其州學刺史爲初獻上佐爲亞獻博士爲終獻縣學
令爲初獻丞爲亞獻博士既無品秩請主簿及尉通
爲終獻若有闕並以次差攝準祭社同給明衣修附
禮令以爲永則

舊唐書禮儀
志二十四

高宗永徽中復以周公爲先聖孔子爲先師顏回左

邱明以降皆從祀

新唐書禮
樂志十五

顯慶二年太尉長孫無忌等議曰仲尼生衰周之末

拯文喪之弊祖述堯舜憲章文武宏聖教於六經闡
儒風於千世故孟子稱生民以來一人而已自漢以
降奕葉封侯崇奉其聖胡可降茲上哲俯入先師且
邱明之徒見行其學貶爲從祀亦無故事今請改令
從詔貞觀爲詔永徽爲令也於義爲允其周公仍依別禮配享
武王詔從之文獻通考四十三

三年詔先聖廟用宣和之舞

同上

乾封元年追贈孔子爲太師

同上

總章元年顏回贈太子少師曾參贈太子少保並配

享孔子廟

同上

咸亨元年詔州縣皆營孔子廟

新唐書禮樂志十五

天授元年封孔子爲隆道公

文獻通考四十三

神龍元年以鄒魯百戶封隆道公諡曰文宣

舊唐書禮儀志

二十

睿宗太極元年加贈顏回太子太師曾參太子太保

皆配享

新唐書禮樂志十五

元宗開元八年詔顏子等十哲宜爲坐像悉令從祀
曾參大孝德冠同列特爲塑像坐於十哲之次因圖
畫七十弟子及二十二賢於廟壁上以顏子亞聖親
爲製贊書於石仍令當朝文士分爲之贊題其壁焉

文獻通考

四十三

十一年春秋二時釋奠諸州依舊用牲牢其屬縣用

酒脯而已

舊志嘗禮儀志二十四

十九年春秋二時釋奠天下州縣等停牲牢惟用酒

脯永爲常式

同上

二十七年詔夫子既稱先聖可諡曰文宣王遣三公持節册命以其嗣爲文宣公任州長史代代勿絕先時孔廟以周公南面而夫子坐西墉下貞觀中廢周公祭而夫子位未改至是二京國子監天下州縣夫子始皆南向以顏回配贈諸弟子爵公侯子淵充公

子篤賢侯伯牛邴侯仲弓辟侯子有徐侯子路衛侯

子我齊侯子貢黎侯子游吳侯子夏魏侯又贈曾參

以降六十七人參成伯

通典通考
作邾伯

顓孫師陳伯濬臺

滅明江伯宓子賤單伯原憲原伯公冶長莒伯南宮

适鄰伯

冊府元龜
作剡伯誤

公皙哀邾伯曾點宿伯顏路杞伯

商瞿蒙伯高柴共伯漆雕開滕伯公伯寮任伯司馬

牛向伯樊遲樊伯

弟子考
作凡伯

有若卞伯

一作
泮誤

公西赤邴

伯

通典通考
作邴伯

巫馬期邾伯梁鮪梁伯顏柳蕭伯

蕃伯

冉孺邾伯

通典通考
作紀伯

曹邴豐伯

通典通考
作曹伯

伯虔

鄒伯

通典冊府元龜
通考作聊伯

公孫龍黃伯

冊府元龜
少梁伯誤

冉季

產東平伯秦子南少梁伯漆雕歛武城伯顏子驕瑀

邪伯漆雕徒父須句伯壤駟赤北徵伯商澤睢陽伯

石作蜀郈邑伯通典通考作石邑册任不齊任城伯

公夏首亢父伯公良孺東牟伯后處營邱伯秦開彭

衙伯奚容蒧下邳伯公肩定新田伯顏襄臨沂伯一作

臨邑伯誤鄒單銅鞮伯句井疆淇陽伯罕父黑乘邱伯秦

商上洛伯册府元龜作雜宋以申黨召陵伯通典通

公祖子之期思伯榮子旗零婁伯縣成鉅野伯册府

作巨野左人郢臨淄伯册府元龜作臨菑燕伋漁陽

伯鄭子徒榮陽伯秦非汧陽伯施常乘氏伯顏噲朱

虛伯步叔乘瀆于伯顏之僕東武伯原亢籍萊蕪伯

樂欵昌平伯廉潔莒父伯顏何開陽伯

册府元龜
作開陽誤叔

仲會瑕邱伯狄黑臨濟伯邽巽平陸伯孔忠汶陽伯

公西與如重邱伯公西葳祝阿伯於是二京之祭牲

如牢樂宮懸舞六佾矣州縣之牲以少牢而無樂

新唐

書禮樂
志十五

又敕兩京及兗州舊宅廟像宜改服袞冕其諸州及

縣廟宇既小但移南面不須改衣服

文獻通考
四十三

二十八年詔春秋二仲上丁以三公攝事若會大祀

則用仲丁州縣之祭上丁

新唐書禮
樂志十五

德宗建中三年以文宣王三十七代孫齊賢爲兗州

司功襲文宣公

舊唐書本紀十二

憲宗元和十四年以文宣王三十八代孫惟匪襲文

宣王

文獻通考四十三

武宗會昌二年以文宣王三十九代孫榮爲國子監

丞襲文宣王

同上

周廣順二年六月以文宣王四十三代孫前曲阜縣

令仁玉復爲曲阜縣令仍賜緋魚袋

同上

宋初增修先聖及亞聖十哲塑像七十二賢及先儒

二十一人皆畫像於東西廊之版壁太祖親撰先聖

及亞聖贊從祀賢哲先儒並命當時文臣爲之贊其
春秋二丁及仲冬上丁貢舉人謁先聖先師命官行
釋奠之禮皆如舊典同上

太祖建隆三年詔廟門準令立戟十六枝同上

乾德四年以文宣王四十四代陵廟王進士孔宜爲

兗州曲阜縣主簿同上

太宗太平興國三年詔孔宜襲封文宣公免其家租
稅先是歷代以聖人之後不與庸調周顯德中遣使
均田抑同編戶至是孔氏訴於州以聞帝特免之同上

淳化四年從監庫使臣請宣聖廟六衙朔望焚香闕里

志

眞宗景德三年王欽若奏令諸道州府軍監文宣王廟摧毀處量爲修葺

同上

四年同判太常禮院李維言諸州釋奠長吏不親行祀非尊師重教之道詔州縣釋奠刺史縣令初獻上佐縣丞亞獻州博士縣主簿終獻有故以次官攝之

宋史禮志一百五

大中祥符元年加諡孔子曰元聖文宣王

宋史本紀七

二年詔追封孔子弟子顏回兗國公閔損瑗邢公冉耕東平公冉雍下邳公宰子臨淄公端木賜黎陽公

冉求彭城公仲由河內公言偃丹陽公卜商河東公
曾參瑕邱侯顓孫師宛邱侯澹臺滅明金鄉侯宓不
齊單父侯原憲任城侯公冶長高密侯南宮縉龔邱
侯公皙哀北海侯曾點萊蕪侯顏無繇曲阜侯商瞿
須昌侯高柴共城侯漆雕開平輿侯公伯寮壽張侯
司馬耕楚邱侯樊須益都侯公西赤鉅野侯有若平
陰侯巫馬期東阿侯陳亢南頓侯梁鱣千乘侯顏辛
陽穀侯冉孺臨沂侯冉季諸城侯伯虔洧陽侯公孫
龍枝江侯秦冉新息侯秦商邲城侯漆雕哆濮陽侯
顏驥雷澤侯漆雕徒父高苑侯壤駟赤上邽侯林放

長山侯商澤鄒平侯石作蜀城紀侯任不齊當陽侯

申根文登侯公良孺牟平侯曹卬上蔡侯奚容蒧濟

陽侯句井疆溢陽侯申黨淄川侯公祖句茲卽墨侯

榮期厥次侯縣成城武侯禮志作武城侯左人郢南華侯燕

伋汧源侯鄭國胸山侯秦非華亭侯施之常臨濮侯

顏噲濟陰侯步叔乘博昌侯顏之僕宛句侯蘧瑗內

黃侯叔仲會博平侯顏何堂邑侯狄黑林慮侯邽異

高堂侯孔忠鄆城侯公西舉如臨胸侯公西葢徐城

侯琴張頓邱侯

文獻通考四十三

又詔封元聖文宣王廟配饗左邱明瑕邱伯公羊高

臨淄伯穀梁赤龔邱伯伏勝乘氏伯高堂生萊蕪伯
戴聖楚邱伯毛萇樂壽伯孔安國曲阜伯劉向彭城
伯鄭眾中牟伯杜子春緱氏伯馬融扶風伯盧植良
鄉伯鄭康成高密伯服虔滎陽伯賈逵岐陽伯何休
任城伯王肅贈司空王弼封偃師伯杜預贈司徒范
甯封鉅野伯命三司使兩制待制館閣官作贊同上
詔文宣王廟木圭易以玉賜桓圭一加冕九旒服九

章從上公之制

玉海

春秋釋奠用中祀

闕里文獻考

四年詔州城置孔子廟

宋史本紀八

五年改諡元聖文宣王曰至聖文宣王

同上以國諱故

天禧元年以文宣王四十六代孫光祿寺丞聖佑襲

封文宣公

文獻通考四十三

仁宗至和二年封孔子後爲衍聖公

同上四十四

神宗熙寧八年判國子監常秩等言宣聖神像舊用

冕服九旒七十二賢二十一先儒並用朝服檢會唐

開元中尊孔子爲文宣王內出王者衮冕之服以衣

之詳此則孔子之冕宜用天子之制十二旒七十二

賢二十一先儒各用本爵冕服下太常禮院詳定文

宣王冕仍用九旒顏子以下各依郡國縣公侯伯正

一品至正四品冠服制度

同上

元豐六年封孟子爲鄒國公

宋史本紀十六

時京兆府學教授蔣夔請以顏回爲兗國公毋稱先師而進閔子騫九人亦在祀典禮官以孔子顏子稱號歷代各有據依難輒更改所請九人已在祀典熙甯祀儀十哲皆爲從祀惟州縣釋奠未載請自今三京及諸州春秋釋奠並準熙甯祀儀詔封孟軻鄒國公禮官請以孟子配食苟況揚雄韓愈並加封爵以世次先後從祀於左邱明二十一賢之閒自國子監及天下學廟皆塑鄒國公像冠服同兗國公仍繪荀

況等像冠服各從封爵詔如議荀況封蘭陵伯揚雄

封成都伯韓愈封昌黎伯令學士院撰贊文

采史禮志八

徽宗崇甯初封孔鯉爲泗水侯孔伋爲沂水侯又詔

王安石可配享孔子廟位於鄒國公之次

同上

三年太常寺言國朝祀儀諸壇祠祭正位居中南面
配位在正位之東南西面若兩位亦爲一列以北爲

上其從祀之位又在其後今國子監顏子孟子配享

之位卽與閔子騫等從祀之位同作一列雖坐次少

出而在文宣王帳座之後於配食之禮未正請改正

顏子而下從享位次爲圖頌示天下從之

文獻通考四十四

詔文宣王殿以大成爲名

宋史禮志八

大觀二年從通仕郎侯孟請繪子思像從祀於左邱

明二十四賢之間

同上

四年詔先聖廟用戟二十四文宣王執鎮圭並如王

者之制

文獻通考四十四

議禮局言史記弟子傳曰受業身通六藝者七十有

七人家語曰七十二弟子皆升堂入室者唐會要七

十七人而開元禮止七十二人又復去取不一本朝

議臣斷以七十三子之說取琴張等五人而去公夏

首等十人今以家語史記參定公夏首后處公肩定

顏祖鄒單罕父黑秦商原抗樂欵廉潔唐會要開元

禮亦互見之皆有伯爵載於祀典請追贈侯爵使預

祭享詔封公夏首鉅平侯后處膠東侯公肩定梁父

侯顏祖富陽侯鄒單聊城侯罕父黑祈鄉侯通考作

秦商馮翊侯原抗樂平侯樂欵建成侯通考作廉潔

胙城侯又詔改封曾參武城侯顓孫師潁川侯南宮

綰汝陽侯司馬耕睢陽侯通考作琴張陽平侯左邱

明中都伯穀梁赤睢陵伯通考作戴聖考城伯以所

封犯先聖諱也宋史禮志八

政和三年詔封王安石爲舒王配享安石子雋臨川

伯從祀新儀成以孟春元日釋菜仲春仲秋上丁日
釋奠以顏回孟軻王安石配享殿上閔損冉耕冉雍
宰予端木賜並西向冉求仲由言偃卜商曾參並東
向東廡顏孫師以下至楊雄四十九人並西向西廡
林放以下至王雱四十八人並東向頌辟雍大成殿
名於諸路州學同上

欽宗靖康元年右諫議大夫楊時言王安石學術之
謬請追奪王爵明詔中外毀去配享之像使邪說淫
辭不爲學者之惑詔降安石從祀廟廷同上

高宗建炎十年復釋奠文宣王爲大祀其禮如社稷

州縣爲中祀用王普請也

王

孝宗淳熙三年趙粹中請削去安石從祀

同上四年罷臨川

伯王秀
從祀

洪邁言孟子配食與顏子並其師子思子思之師曾

子皆在其下於禮儀實爲未安乞改正

閩里文獻考

甯宗慶元元年仍定文宣王爲中祀

閩里文獻考

理宗寶慶三年詔贈朱熹太師追封信國公旋改封

徽國公

續資治通鑑一百六十四

端平二年詔議胡瑤孫明復邵雍歐陽修周敦頤司

馬光蘇軾張載程顥程頤等十人從祀孔子廟廷升

孔伋十哲

宋史本紀
四十二

淳祐元年詔朕惟孔子之道自孟軻後不得其傳至我朝周敦頤張載程顥程頤真見實踐深探聖域千載絕學始有指歸中興以來又得朱熹精思明辨表裏渾融使大學論孟中庸之書本末洞徹孔子之道益以大明於世朕每觀五臣論著啟沃良多今視學有日其令學官列諸從祀以示崇獎之意尋以王安石謂天命不足畏祖宗不足法人言不足恤爲萬世罪人豈宜從祀孔子廟延黜之封周敦頤爲汝南伯張載鄴伯程顥河南伯程頤伊陽伯

同上

景定二年春正月詔封張栻爲華陽伯呂祖謙開封

伯從祀孔子廟廷

宋史本紀四十五

度宗咸淳三年詔封曾參邾國公孔伋沂國公配享

先聖封顓孫師陳國公升十哲位復以邵雍司馬光

列從祀其序兗國公邾國公沂國公鄒國公居正位

之東面西向北上爲配位

黃氏日抄曰往歲顓孟配享並列於先聖左近升會

子子思又並列先聖左而虛其右不以相向震闕太學博士陸鵬升云初制顏孟配享左顓而右孟熙豐新經盛行以王安石爲聖人歿而躋之配享位顏子下故左則顏子及王安石右則孟子未幾安石壻蔡卞當國謂安石不宜在孟子下遷安石於右與顏子對而移孟子位第三次顏子之下遂左列顏孟而右列王安石又未幾蔡卞再欲升安石壓顏子漸次而升爲代先聖張本優人李氏以藝諫託爲公冶長以

刺下乃止然顏孟左而安石右遂爲定制南渡後安石罷配享宜遷孟子而對顏子如舊制議者失於討論故安石旣去其右遂虛而顏孟並列於左後增會子子思又並列於左亦未有討論者費公閱

損薛公冉雍黎公端木賜衛公仲由魏公卜商居殿

上東面西向北上邾公冉耕齊公宰子徐公冉求吳

公言假陳公顓孫師居殿上西南東向北上爲從也

東庶金鄉侯澹臺滅明任城侯原憲汝陽侯南宮适

萊蕪侯會點須昌侯商瞿平輿侯漆雕開睢陽侯司

馬耕平陰侯有若東阿侯巫馬施陽穀侯顏辛上蔡

侯曹邴枝江侯公孫龍馮翊侯秦祖甯澤侯顏高上

邽侯壤駟赤成邑侯石作蜀鉅平侯公夏首膠東侯

后處濟陽侯奚容蒧富陽侯顏祖溢陽侯句井疆郵
城侯秦商卽罽侯公祖句茲武城侯縣成汧源侯燕
伋宛句侯顏之僕建成侯樂欽堂邑侯顏何林慮侯
狄墨郟城侯孔忠徐城侯公西蒧臨濮侯施之常華
亭侯秦非文登侯申根濟陰侯顏噲泗水侯孔鯉蘭
陵伯荀況睢陵伯穀梁赤萊蕪伯高堂生樂壽伯毛
萇彭城伯劉向中牟伯鄭眾綠氏伯杜子春良鄉伯
盧植滎陽伯服虔司空王肅司徒杜頂昌黎伯韓愈
河南伯程顥新安伯邵雍溫國公司馬光華陽伯張
拭凡五十二人並西向西廡單父侯宓不齊高密侯

公冶長北海侯公皙哀曲阜侯顏無繇共城侯高柴
壽張侯公伯寮益都侯樊須鉅野侯公西赤子乘侯
梁鱸臨沂侯冉孺洮陽侯伯度諸城侯冉季濮陽侯
漆雕哆高苑侯漆雕徒父鄒平侯商澤當陽侯任不
齊牟平侯公良孺新息侯秦冉梁父侯公肩定聊城
侯鄒單祁鄉侯罕父黑淄川侯申黨厭次侯榮旂南
華侯左人郟胸山侯鄭國樂平侯原亢胙城侯廉潔
博平侯叔仲會高堂侯邾異臨朐侯公西輿如內黃
侯邁瑗長山侯林放南頓侯陳亢陽平侯琴張博昌
侯步叔乘中部伯左邱明臨淄伯公羊高乘氏伯伏

勝考城伯戴聖曲阜伯孔安國成都伯揚雄岐陽伯
賈逵扶風伯馬融高密伯鄭元任城伯何休偃師伯
王弼新野伯范甯汝南伯周敦頤伊陽伯程頤郟伯
張載徽國公朱熹開封伯呂祖謙凡五十二人並東

向

宋史
志八

遼太祖神冊三年詔建孔子廟

遼史本
紀一

金熙宗天會十五年立孔子廟於上京

續文獻通
考四十八

天眷三年以孔子四十九代孫璠襲封衍聖公

金史
本紀

四

皇統元年上親祭孔子廟北面再拜

同上

按歷代臨雍釋奠皆不錄金則宅京於此遷都後
仍不錄

世宗大定元年以顏歆從祀廟廷

續文獻通考

十四年因國子監言參酌唐開元禮定擬釋奠儀

樂用登歌遷孟子像於宣聖右與顏子相對

金史禮志

是年加宣聖像十二旒十二章

春明夢餘錄二十一

二十年授衍聖公孔總曲阜令封爵如故

金史本紀七

二十三年以尙書右丞張汝弼攝太尉致祭於至聖

文宣王廟

金史本紀八

章宗明昌二年詔諸郡邑文宣王廟毀廢者復之

金史

本紀
九 孔子廟門置下馬碑

闕里志

承安二年親祀以親王攝亞終獻皇族陪祀文武羣臣助奠帝親爲贊文舊封公者升爲國公侯者爲國侯
侯卿伯以下皆封侯

續文獻通考四十八

泰和四年詔刺史州郡無宣聖廟學者並增修之

金史

本紀
十二

五年三月諭有司進士名有犯孔子諱者避之仍著

爲令

續文獻通考四十八

元太宗五年詔以孔子五十一世孫元措襲封衍聖公
十二月敕修孔子廟八年三月復修孔子廟

元史本紀

三十一年成宗卽位詔中外崇奉孔子又詔曲阜林廟上都大都諸路府州縣邑廟學書院贈學土地及貢士莊以供春秋二丁朔望祭祀修完廟宇自是天

下郡邑廟學無不完葺釋奠悉如舊儀

續文獻通考四十八

成宗大德初敕到任先謁先聖廟方許以次詣神廟

闕里志

十一年武宗卽位加封至聖文宣王爲大成至聖文宣王春秋二丁釋奠用六牢

元史本紀二十二

仁宗皇慶二年以宋儒周敦頤程顥程頤張載邵

雍司馬光朱熹張栻呂祖謙及故中書左丞許衡從

祀孔子廟廷

元史本紀二十四

延祐三年制封孟軻父爲邾國公母爲邾國宣獻夫

人

元史本紀二十五

詔春秋釋奠於先聖以顏子曾子子思孟子配享

元史

祭祀志五

六年追封周敦頤爲道國公又封邁瑗爲內黃侯從

祀孔子

續文獻通考四十八

文宗至順元年加封孔子父齊國公叔梁紇爲啟聖

王母魯國太夫人顏氏爲啟聖王夫人顏子充國復

聖公會子邾國宗聖公子思沂國述聖公孟子鄉國

亞聖公河南伯程顥豫國公伊陽伯程頤洛國公

元史

本紀三

十四

以董仲舒從祀孔子廟位列七十子之下

同上

三年封孔子妻邾國夫人亓官氏爲大成至聖文宣

王夫人追封顏子父無繇爲杞國公諡文裕母齊姜

氏杞國夫人諡端獻妻宋戴氏兗國夫人諡貞素

元史

本紀三

十六

順帝至正十九年杭州路照磨胡瑜請追錫楊時李

侗胡安國蔡沈真德秀五人名爵從祀先聖廟廷

元史

祭祀志六

二十二年禮部定擬五先生封爵諡號俱贈太師楊時追封吳國公李侗追封越國公胡安國追封楚國公蔡沈追封建國公真德秀追封福國公又追諡朱熹父松爲獻靖改封熹爲齊國公

同上

明太祖洪武三年詔革諸神封號惟孔子封爵仍舊

明史禮

志四

五年罷孟子配享踰年帝曰我聞孟子辨異端闢邪說發明孔子之道宜配享如故

同上

釋奠孔子初用大成舊樂六年始命詹同樂韶鳳等

更製樂章

明史樂志一

七年仲春上丁日食改用仲丁

明會典九十一

十五年詔天下通祀孔子并頒釋奠儀注凡府州縣學遵豆以八器物牲牢皆殺於國學其祭各以正官

行之

明史禮志四

是年孔子以下去塑像易木主

闕里志

十七年敕每月朔望祭酒以下行釋菜禮郡縣長吏

以下詣學行香

明史禮志四

十八年詔曰孟子傳道有功名教歷年既久子孫甚微近有以罪輸作者豈禮先賢之意哉其加意詢訪

凡聖賢後裔翰作者皆免之

明史本紀三

二十年罷武成廟獨尊孔子

春明夢餘錄二十
武成廟謂太公

二十六年瀕大成樂於天下

明史禮志四

二十八年以行人司副楊祗言罷漢楊雄從祀益以

董仲舒

同上

成祖永樂八年正文廟聖賢繪塑衣冠令合古制

明會

典九
十一

宣宗宣德三年以萬縣訓導李譯言命禮部考正從

祀先賢名位頒示天下

明史禮志四

英宗正統元年詔免凡聖賢子孫差役選周程張朱

諸儒子孫聰明俊秀可教養者不拘名數送所在儒

學讀書仍給廩饌

闕里文獻考

二年以來備胡安國蔡沈真德秀從祀

明史本紀十

三年禁天下祀孔子於釋老宮

明史禮志四

八年慈利教諭蔣明請祀元儒吳澄大學士楊士奇

等言當從祀從之

同上

封澄爲臨川郡公

明會典九十一

景帝景泰三年令顏子孟子嫡孫世爲五經博士

闕里

志

六年授先儒程頤裔孫克仁朱熹裔孫挺世龔翰林

院五經博士

明史職官志二

七年授先儒周敦頤裔孫冕世襲翰林院五經博士

同上

憲宗成化二年追封董仲舒廣川伯胡安國建甯伯

蔡沈崇安伯眞德秀浦城伯

明史禮志四

十二年從祭酒周洪謨言增樂舞爲八佾籩豆各十

二同上

十六年命所在過孔門者皆下馬

闕里文獻考

孝宗宏治八年封宋儒楊時爲將樂伯從祀孔子廟

廷位司馬光之次

明史本紀十五禮志四

九年增樂舞爲七十二人如天子之制

明史禮志四

武宗正德元年授孔子五十九世孫彥繩世襲翰林

院五經博士主衢州廟祀

明史職官志二

二年授孔聞禮世襲翰林院五經博士奉子思廟祀

同上

世宗嘉靖二年授先儒朱熹裔孫暨世襲翰林院五

經博士主婺源廟祀

同上

九年大學士張璁言先師祀典有當更正者叔梁紇乃孔子之父顏路曾皙孔鯉乃顏曾子思之父三子配享廟廷紇及諸父從祀兩廡原聖賢之心豈安請於大成殿後別立室祀叔梁紇而以顏路曾皙孔鯉

配之帝以爲然因言聖人尊天與尊親同今遊豆十
二牲用饋全用祀天儀亦非正禮其諡號章服悉宜
改正總緣帝意言孔子宜稱先聖先師不稱王祀宇
宜稱廟不稱殿祀宜用木主其塑像宜毀遊豆用十
樂用六佾配位公侯伯之號宜削止稱先賢先儒其
從祀申黨公伯寮秦冉等十二人宜罷林放蘧瑗等
六人宜各祀於其鄉后蒼王通歐陽修胡瑗蔡元定
宜從祀帝命禮部會翰林諸臣議於是議人以聖人
爲至聖人以孔子爲至宋眞宗稱孔子爲至聖其意
已備今宜於孔子神位題至聖先師孔子去其王號

及大成文宣之稱改大成殿爲先師廟大成門爲廟
門其四配稱復聖顏子宗聖曾子述聖子思子亞聖
孟子十哲以下凡及門弟子皆稱先賢某子左邱明

以下皆稱先儒某子不復稱公侯伯遵聖祖首定南
京國子監規制製木爲神主仍擬大小尺寸著爲定
式其塑像卽令屏撤春秋祭祀遵國初舊制十邊十
豆天下各學八邊八豆樂舞止六佾凡學別立一祠
中叔梁紇題啟聖公孔氏神位以顏無繇曾點孔鯉
孟孫氏配俱稱先賢某氏至從祀之賢不可不考其
得失申黨卽申棖釐去其一公伯寮秦冉顏何苟况

戴聖劉向賈逵馬融何休王肅王弼杜預吳澄罷祀
林放蘧瑗盧植鄭眾鄭康成服虔范甯各祀於其鄉
后蒼王通歐陽修胡瑗議增入命悉如議行又以行
人薛祝議進陸九淵從祀明年國子監建啟聖公祠
成從尙書李時言春秋祭祀與文廟同日遵豆牲帛
視四配東西配位視十哲從祀先儒程珦朱松蔡元
定視兩廡輔臣代祭文廟則祭酒祭啟聖祠南京祭
酒於文廟司業於啟聖祠遂定制殿中先師南向四
配東西向稍後十哲閔子損冉子雍端木子賜仲子
由卜子商西向冉子耕宰子予冉子求言子偃顓孫

子師東向兩廡從祀先賢澹臺滅明宓不齊原憲公
冶長南宮适高柴漆雕開樊須司馬耕公西亦有若
琴張申枨陳亢巫馬施梁鯁公皙哀商瞿冉孺顏辛
伯虔曹卣冉季公孫龍漆雕哆秦商漆雕徒父顏高
商澤壤駟赤任不齊石作蜀公良孺公夏首公肩定
后處鄒單奚容蒧罕父黑頰祖榮旂秦祖左人郢句
井疆鄭國公祖句茲原亢縣成廉潔燕伋叔仲噲顏
之僕邾巽樂欵公西與如狄黑孔忠公西蒧步叔乘
施之常秦非顏噲先儒左邱明公羊高穀梁赤伏勝
高堂生孔安國毛萇董仲舒后蒼杜子春王通韓愈

胡瑗周敦頤程顥歐陽修邵雍張載司馬光程頤楊

時胡安國朱熹張栻陸九淵呂祖謙蔡沈真德秀許

衡凡九十一人

明史禮志二

十八年授曾子六十年代孫質粹世襲翰林院五經博

士

明史職官志二

穆宗隆慶五年以薛瑄從祀

明史禮志四

神宗萬曆十二年以陳獻章胡居仁王守仁從祀

同上

二十三年以宋周敦頤父輔成從祀啟聖祠

同上

四十一年提學僉事熊尚文議祀宋儒羅從彥李侗

禮部覆准將二賢列宋儒楊時之下入廟從祀詔從

續文獻通
考四十八

四十四年巡按山東御史畢懋康疏奏子思之不稱孔子避先聖也今西廡如忠如安國俱稱孔子不幾冒先聖之稱乎改忠爲先賢子茂子安國爲先儒子國子皆以字行似爲妥當孟廡從祀有季孫子叔疑因趙岐注二子皆孟子門人故誤與從祀之列今旣遵紫陽解則其爲引言而非門人明甚况所謂季孫子叔疑恐亦當時執政之傳且不知其爲人祀之門牆甚無謂也益成括亦非孟子門人此三人者似當依公伯寮秦冉之例罷之嘉靖時孔門弟子及諸從

祀者並罷封爵乃孟子廟主尙稱鄒國亞聖公樂正子以下稱侯伯非所以一王制而安神靈請倣孔廟近例改其稱號疏入雖得報聞然竟不果行

闕里文獻考

熹宗天啟二年以先儒張載裔孫文選世襲五經博

士

明史職官志二

三年以河南巡按吳姓言以邵雍後世襲五經博士

闕里文獻考

鳳考

莊烈帝崇禎十四年諭曰朕覽聖祖命儒臣纂輯五經四書大全其中作述傳註引證等項惟宋儒周子西程子朱子張子邵子爲多可見理學大明於宋而

周程諸子大有功於聖門然與周秦漢唐諸儒並稱
先儒竊爲不安部議周程六子宜稱先賢並請漢儒

董仲舒隋儒王通俱稱先賢

春明夢餘錄二十一

十五年以左邱明親受經於聖人改稱先賢并改宋
儒周二程謝朱邵六子亦稱先賢位七十子下漢唐
諸儒之上然僅國學更祀之闕里廟廷及天下學宮

未遑頒行也

明史禮志四

十六年詔以仲子後世襲五經博士

闕里文獻考

吉林通志卷四十五

學校志二 祀典下

國朝

太宗文皇帝崇德元年

遣官祭孔子廟

世祖章皇帝順治元年以至聖六十五代孫孔允植襲封衍

聖公孔顏曾孟仲子裔襲五經博士

二年

諭禮部孔廟諡號加稱大成至聖文宣先師孔子

十二年以江南婺源縣朱子裔襲五經博士

十三年

欽頒釋奠樂章六奏用平字舞用六佾三獻均進文德之舞
十四年給事中張文光言聖至孔子贊美難以形容
曰至聖則無所不該曰先師則名正而實稱順治初
年仍元舊謚而不稱王爵追王固屬誣聖卽加大成
文宣四字亦不足以盡孔子宜改主爲至聖先師孔
子

詔從之

聖祖仁皇帝康熙九年以宋賢程子裔襲五經博士

十九年以程氏二子不應止襲一人特增五經博士

一員令各以其嫡子孫爲之

諭內閣曰至聖之德與天地日月同其高明廣大無可指稱
朕向來研求經義體思至道欲加贊頌莫能名言特書萬
世師表四字懸額殿中非云闡揚聖教亦以垂示將來

二十四年頒

御書額於太學及天下文廟以宋賢周子裔襲五經博士

二十五年

諭大學士等曰先賢先儒從祀位次應視其道德爲先後不
可援師弟爲定例其酌議奏聞

二十六年以宋賢張子裔襲五經博士

二十八年頒

御書贊於天下學

御製至聖先師孔子贊序曰蓋自三才建而天地不居其功
一中傳而聖人代宣其蘊有行道之聖得位以綏猷有明
道之聖立言以垂憲此正學所以常明人心所以不泯也
粵稽往緒仰溯前徽堯舜禹湯文武達而在上兼君師之
寄行道之聖人也孔子不得位窮而在下秉刪述之權明
道之聖人也行道者勳業炳於一朝明道者教思周於百
世堯舜文武之後不有孔子則學術紛淆仁義湮塞斯道
之失傳也久矣後之人而欲探二帝三王之心法以爲治

國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬搗筆而爲之贊曰清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰藥膳可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勛哉令圖溯源洙泗景躅唐虞載厯庭除式觀禮器瀟毫仰贊心焉

遐企百世而上以聖爲歸百世而下以聖爲師非師夫子
惟師於道統天御世惟道爲寶泰山巖巖東海泱泱牆高
萬仞夫子之堂孰窺其藩孰窺其徑道不遠人克念作聖
御製復聖顏子贊曰聖道早聞天資獨粹約禮博文不遷不
貳一善服膺萬德來萃能化而齊其樂一致禮樂四代治
法兼備用行舍藏王佐之器

宗聖曾子贊曰洙泗之傳魯以得之一貫曰唯聖學在茲
明德新民止善爲期格致誠正均平以推至德要道百行
所基纂承統緒修明訓辭

述聖子思子贊曰於穆天命道之大原靜養動察庸德庸

言以育萬物以贊乾坤九經三重大法是存篤恭慎獨成德之門卷之藏密擴之無垠

亞聖孟子贊曰哲人既萎楊墨昌熾子與聞之曰仁曰義性善獨聞知言養氣道稱堯舜學屏功利煌煌七篇並垂六藝孔學攸傳禹功作配

三十八年以先賢閔子端木子裔襲五經博士

四十一年以宋賢邵子裔襲五經博士

五十一年

諭內閣曰朕自沖齡篤好讀書諸書無不覽誦每見歷代文士著述卽一字一句於義理稍有未安者輒爲後人指摘

惟宋儒朱子註釋羣經闡發道理凡所著作及編纂之書皆明白精確歸於大中至正經今五百餘年知學之人無敢疵議朕以爲孔孟之後有裨斯文者朱子之功最爲宏鉅應作何崇禮表彰時廷臣遵議以朱子升配大成殿東序位次先賢卜子下爲十一哲

詔從之以先賢言子裔襲五經博士

五十四年以宋臣范仲淹從祀列西廡韓愈之次從江南學政余王健之請也

五十九年以先賢卜子裔襲五經博士從山東巡撫李樹德之請也

世宗憲皇帝雍正元年

諭內閣禮部曰至聖先師孔子道冠古今德參天地樹百王之模範立萬世之宗師其爲功於天下者至矣而水源木本積厚流光有開必先克昌厥後則聖人之祖考宜膺崇厚之褒封所以追溯前徽不忘所自也粵稽舊制孔子之父叔梁公宋真宗時追封啟聖公自宋以後歷代遵循而叔梁公以上則向來未加封號亦未奉祀祠庭朕仰體

皇考崇儒重道之盛心敬修崇德報功之典禮意欲追封五代並享烝嘗用申景仰之誠庶慰藝牆之慕時廷臣以孔子先世五代應封公爵議上又

諭禮部曰五倫爲百行之本天地君親師人所宜重而天地君親之義又賴師教以明自古師道無過於孔子誠首出之聖也我

皇考崇儒重道超軼千古凡尊崇孔子典禮無不備至朕蒙皇考教育自幼讀書心切景仰欲再加尊崇更無可增之處故敕部追封孔子先世五代今部議封公上考歷代帝王皆有尊崇之典唐明皇封孔子爲文宣王宋真宗加封至聖文宣王封孔子父叔梁紇爲齊國公元加封孔子爲大成至聖文宣王加封齊國公爲啟聖王至明嘉靖時猶以王係臣爵改稱爲至聖先師孔子改啟聖王爲啟聖公王

公雖同屬尊稱朕意以爲王爵較尊孔子先世應否封王之處著詢問諸大臣具奏廷臣遵議孔子五世俱封王爵有

旨封木金父公爲肇聖王祈父公爲裕聖王防叔公爲詒聖王伯夏公爲昌聖王叔梁公爲啟聖王更名啟聖祠爲崇聖祠

二年頒

御書生民未有額於太學闕里及天下文廟

諭禮部等衙門曰治天下之要以崇師重道廣勵澤宮爲先務朕親詣太學釋奠先師禮畢進諸生於彝倫堂講經論

學凡以明道術崇化源非徒飾園橋之觀聽也惟孔子道
高德厚萬世奉爲師表其耐享廟廷諸賢皆有羽翼聖經
扶持名教之功然歷朝進退不一而賢儒代不乏人或有
先罷而今宜復舊缺而今宜增其從祀崇聖祠諸賢周程
朱蔡外孰應升堂耐享者並先賢先儒之後孰當增置五
經博士以昭崇報均闡大典九卿翰林國子監詹事科道
會同詳考定議以聞廷臣集議選環林放蔡冉顏何戴聖
何休鄭康成鄭眾盧植服虔范甯十一人應復祀樂
正克公都子萬章公孫丑諸葛亮陸贄韓琦尹焞黃
榦陳淳何基王柏金履祥許謙陳澧羅欽順蔡清陸

隴其十八人應增祀張載之父迪應增祀崇聖祠伯
牛仲弓冉有宰我子張有若六人應增置五經博士

諭九卿等曰先儒從祀文廟關係學術人心典至重也宜增
宜復必詳加考證折衷盡善庶使萬世遵守永無異議爾
等所議復祀諸儒雖皆有功經學然載聖何休未爲純儒
鄭眾盧植服虔范甯謹守一家言轉相傳述視鄭康成之
醇質深通似乎有間至若唐之陸贄宋之韓琦勳業昭垂
史冊自是千古名臣然於孔孟心傳果有授受而能表彰
羽翼乎其他諸儒是否允協以及宰子冉有增置博士之
處著再確議務期至當不易廷臣再議載聖何休鄭眾盧

植服虔無庸復祀陸贄韓琦無庸增祀宰子冉有無庸增置博士餘如前議又請將縣廩牧皮魏了翁趙復一並增祀復

論禮部等衙門曰朕念先賢先儒扶持名教羽翼聖經有關學術人心爰命九卿詳議今諸臣參考周詳評論公正甚合朕心著依議行於是增祀縣廩牧皮樂正克公都子萬章公孫丑諸葛亮尹焞黃榦陳淳魏了翁何基王柏陳澔趙復金履祥許謙蔡清羅欽順陸隴其等二十人復祀遷環林放秦冉顏何鄭康成范甯等六人以先賢仲弓伯牛子張有若四人後裔襲五經博士又

以先賢先儒位次闕里及直省各學俱以時代爲序
惟國子監向分先賢先儒因通行直省悉依國子監
序列

三年

諭內閣九卿曰古有諱名之禮所以昭誠敬致尊崇也孔子
德高千古道冠百王止彝倫端風化爲往聖繼絕學爲萬
世開太平自天子以至於庶人皆受師資之益而直省郡
邑之名有聖諱字在內者今古相沿未改朕心深爲不安
爾等會議凡直省地名有同聖諱者或改讀某音或另易
他字至於常用之際於此字作何迴避一併詳議具奏廷

臣議

圖丘字應如故府州縣名山川鎮市應更易接通考太公之
後以食采謝邱得姓凡遇姓氏今擬作邱常用宜從
古體作止又

諭禮部等衙門曰朕細思今文出於古文若改用止字是仍
未嘗迴避也此字本有期音查毛詩及古文作期音者甚
多嗣後如四書五經外凡遇此字並加止爲邱地名亦不
必改易但加止旁讀作期音庶乎允協足副朕尊崇先師
至聖之意是年

命州縣丁祭用太牢

五年二月

諭內閣曰三月十八日爲

皇考聖祖仁皇帝萬壽聖節舊例於是日虔誠敬肅禁止屠宰今應永遠遵行至聖先師孔子師表萬世八月二十七日爲聖誕之期亦應虔肅致敬朕惟

君師功德恩被億載普天率土尊親之戴永永不忘而於誕日尤當加謹以展恪恭思慕之忱非以佛誕爲比擬也著內閣九卿會同確議僉曰應遵

聖諭恭值至聖誕辰內外文武各官及軍民人等致齋一日不理刑名禁止屠宰永著爲令又定制省會之區凡

遇丁祭督撫學政皆親詣行禮毋得先行祭丙苟簡
從事又

諭禮部曰朕惟孔子以天縱之至德集羣聖之大成堯舜禹
湯文武相傳之道具於經籍者賴孔子纂述修明之而魯
論一書尤切於人生日用之實使萬世之倫紀以明萬世
之名分以辨萬世之人心以正風俗以端若無孔子之教
則人將忽於天秩天敘之經昧於民彝物則之理勢必以
小加大以少陵長以賤妨貴尊卑倒置上下無等干名犯
分越禮悖義所謂君不君臣不臣父不父子不子雖有粟
吾得而食諸其爲世道人心之害尙可勝言哉惟有孔子

之教歷世愈久其道彌彰統智愚賢不肖之傳無有能越其範圍者網維既立而人無踰閑蕩檢之事在君上尤受其益易曰君子以辨上下定民志禮運曰禮達而分定使非孔子立教垂訓則上下何以辨禮制何以達此孔子所以治萬世之天下而爲生民以來所未有也使爲君者不知尊崇孔子亦何以建極於上而表正萬邦乎人第知孔子之教在明倫紀辨名分正人心端風俗亦知倫紀既明名分既辨人心既正風俗既端而受其益者之尤在君上也哉朕故表而出之以見孔子之道之大而孔子之功之隆也

十一年夏六月

諭內閣曰國家祀典最宜慎重至於文廟春秋祭儀尤宜備物盡誠以申敬禮聞外省州縣中有因除荒而裁減祭祀公費者朕思銀數若少難於措辦或致祭品簡略或恐派累民間二者均未可定著各省督撫查明所屬若有除荒減費之州縣卽於存公銀內撥補以足原額務令黍盛豐潔以展朕肅將禋祀之誠

高宗純皇帝乾隆元年復元儒吳澄從祀從兵部尙書甘汝來之請也以唐儒韓愈裔襲五經博士從河南巡撫尹會一之請也

三年頒

御書與天地參額於太學闕里及天下文廟又頒

御製聯曰齊家治國平天下信斯言也布在方策率性修道致中和得其門者譬之宮牆是年尙書徐元夢言孔子偶

思與難之賢記者誌之因號十哲宋代升配子張

本朝又躋朱子是十哲名數並非其舊似無可拘有子氣象大似聖人諸弟子嘗欲以事孔子者事之有子宜升哲位時元夢並欲退冉有宰我從祀兩廡而升南宮适子賤於堂上大學士鄂爾泰等議以冉宰兩賢聖門高弟侑饗千秋豈容輕議惟有子爲游夏諸

賢所服孟子亦稱其智足知聖從前未躋十哲似爲
闕典應如所請南宮适子賤升哲之說似不可從

上允其議於是以先賢有子升哲位列東序卜子之次移朱
子神位於西序顓孫子之次爲十二哲

六年

命定祭先師廟樂律

十三年

御製四賢贊序曰聖門弟子三千其賢者七十有二人史記
家語各爲紀其姓氏考其事迹以垂之後世而能契夫子
之心傳得道統之正脈者則惟顏會思孟四人顏子得克

已復禮之說曾子與問一貫之傳親炙一堂若堯舜禹之
相授受奠乎尚矣子思師事曾子發明中庸之道而歸其
功於爲己謹獨孟子當戰國橫流之時私淑子思距楊墨
閑聖道而養氣之論爲前聖所未發昌黎韓子以爲其功
不在禹下有以也庚戌秋偶閱有宋諸儒傳因思宋儒所
宗者孔子之道也孔子之道賴顏曾思孟而傳今聖廟祀
典四子升配堂上爲百代之楷模因各係以贊用誌景行
之私云爾

復聖贊曰貧也者吾不知其所惡壽也者吾不知其所慕
德以潤身孰謂其貧心以傳道孰謂難老簞瓢陋巷至樂

不移仰高鑽堅三月無違夫子有言克己成性用致其功
允成復聖

宗聖贊曰宣聖轍環在陳與歎歎是中行授茲一貫曾子
孜孜惟聖依歸唯而不疑以魯得之會友輔仁任重道遠
十傳釋經超商軼偃念彼孔子沂水春風淵源益粹篤實
春容臨深履薄得正以終三千雖多獨得其宗

述聖贊曰天地儲精川嶽萃靈是生仲尼玉振金聲世德
作求孝孫維則師曾傳孟誠身是力眷茲後學示我中庸
位天育物致和致中夫子道法堯舜文武紹乃家聲述乃

文祖

亞聖贊曰戰國春秋又異其世陷溺人心豈惟功利時君
爭雄處士橫議爲我兼愛簧鼓樹幟魯連高風陳仲廉士
所謂英賢不過若是於此有人入孝出弟一髮千鈞道脈
永繫能不動心知言養氣治世之略堯舜仁義愛君澤民
惓惓餘意欲入孔門非孟何自孟丁其難顏丁其易語默
故殊道無二致卓哉亞聖功在天地

十八年

命廷臣考據史傳於先賢先儒分別之中復按年序次廷臣

議先賢位次遷瑗

東

林放

西

澹臺滅明

東

宓不齊

西

原憲

東

公冶長

西

南宮适

東

公皙哀

西

商瞿

東

高柴

西漆雕開 東樊須 西司馬耕 東商澤 西梁鱸 東巫馬

施 西冉孺 東顏辛 西伯虔 東曹卹 西冉季 東公孫龍

西漆雕徒父 東秦商 西漆雕哆 東顏高 西公西赤 東

壤駟赤 西任不齊 東石作蜀 西公良孺 東公夏首 西

公肩定 東后處 西鄒單 東奚容蒧 西罕父黑 東顏祖

西榮旂 東句井疆 西左人郢 東秦祖 西鄭國 東縣成

西原亢 東公祖句茲 西廉潔 東燕伋 西叔仲會 東樂

欬 西公西與如 東狄黑 西邾異 東孔忠 西陳亢 東公

西葳 西琴張 東顏之僕 西步叔乘 東施之常 西秦非

東申振 西顏喻 東左邱明 西顏何 東秦冉 西縣亶 東

牧皮西樂正克東公都子西萬章東公孫丑西周敦

頤東張載西程頤東程頤西邵雍東凡七十七人先

儒位次公羊高東穀梁赤西伏勝東高堂生西董仲

舒東孔安國西后蒼東毛萇西杜子春東鄭康成西

諸葛亮東范甯西王通東韓愈西范仲淹東胡瑗西

歐陽修東司馬光西楊時東尹焞西羅從彥東胡安

國西李侗東張栻西呂祖謙東陸九淵西蔡沈東黃

榦西陳淳東真德秀西魏了翁東何基西王柏東陳

澥西趙復東金履祥西許謙東許衡西吳澄東薛瑄

西胡居仁東陳獻章西王守仁東蔡清西羅欽順東

陸隴其西凡四十六人奏上得

旨允行

二十九年監臣言先賢哲位配饗殿上者例不書名所以別於兩廡從祀賢儒也有子升哲位未經更正請改稱有子而不書名得

旨允行

仁宗睿皇帝嘉慶元年

御書聖集大成額於太學闕里及天下文廟

七年山東巡撫和甯請以漢儒伏勝裔襲五經博士

禮部擬准得

旨允行

宣宗成皇帝道光元年

御書聖協時中賴於太學闕里及天下文廟

二年御史馬步蟾請以明儒劉宗周從祀禮部擬准

諭內閣曰明臣劉宗周植品莅官致命遂志實爲明季完人其講學論心著書立說粹然一出於正洵能倡明正學扶持名教劉宗周著從祀文廟西廡列於明臣蔡清之次

三年通政司參議盧浙請以湯斌從祀禮部擬准

諭內閣曰原任尙書湯斌學術精醇順治年間有

旨褒其品行清端康熙年間有

旨稱其老成端謹至其政績卓著則禁侈靡興教化舉善懲
貪興利除弊官領北時擒獲巨寇以靖地方巡撫江蘇時
毀不經之祀化闕復之風奏豁民欠議減賦額還京之日
部民送者十餘萬人其他奏議忠言諫論剴切詳明正色
立朝始終一節所學主於堅苦自持事事講求實用著書
立說深醇篤實中正和平洵足倡明正學遠契心傳湯斌
著從祀文廟東廡列於明臣羅欽順之次

五年閩浙總督趙愷畛請以明儒黃道周從祀禮部
擬准其從祀文廟東廡列羅欽順之次得

旨允行

六年河南巡撫程祖洛請以明儒呂坤從祀禮部擬准其從祀文廟西廡列蔡清之次御史吳傑請以唐臣陸贄從祀禮部擬准其從祀文廟東廡列王通之次均得

旨允行

八年御史張志廉請以孫奇逢從祀禮部擬准

諭內閣曰孫奇逢學術中正醇篤力行孝弟其講學著書以慎獨存誠實足扶持名教不愧先儒近年節經降旨將原任尙書湯斌及明臣劉宗周黃道周呂坤唐臣陸贄從祀東西兩廡孫奇逢亦著從祀文廟西廡列於明臣呂坤之

次

十六年

諭內閣曰汪振基奏明徵祀典以崇正學一摺據稱山西省
壽陽縣及遼州甯武府等處均有三教廟至聖先師孔子
與佛老同廟供奉積習相沿與祀典不符著申啟賢通飭
各屬卽行更正無得同廟供奉各直省如有似此同廟供
奉之處著各該督撫轉飭各州縣一律更正以崇正學而
昭定制

二十三年江西巡撫吳文鎔請以宋臣文天祥從祀
禮部擬准其從祀文廟西廡列何基之次得

旨允行

二十九年河南巡撫潘鐸請以宋儒謝良佐從祀禮部擬准其從祀文廟東廡列楊時之次得

旨允行

文宗顯皇帝咸豐元年

御書德齋博載額於太學闕里及天下文廟福建巡撫徐繼畲請以宋臣李綱從祀禮部擬准其從祀文廟西廡列胡安國之次得

旨允行

二年河南巡撫李德請以宋臣韓琦從祀禮部擬准

得

旨著照該部所議從祀文廟東廡列先儒陸贄之次

三年山東巡撫李德請以先賢公明儀從祀禮部擬
准其從祀文廟東廡列縣亶之次得

旨允行

七年河南學政俞樾請以先賢公孫僑從祀以聖兄
孟皮配享崇聖祠禮部議公孫僑擬准其從祀文廟
西廡列林放之上孟皮擬准其配享崇聖祠列顏無
繇之上得

旨允行

九年江蘇巡撫趙德轍請以宋臣陸秀夫從祀禮部
擬准得

旨著照該部所議從祀文廟位在文天祥之次

十年河南巡撫瑛榮請以明儒曹端從祀禮部擬准
其從祀文廟西廡列胡居仁之上

諭大學士軍機大臣另行妥議具奏並酌定以後從祀章程
不可漫無限制若定例原有專條卽不必酌定章程遵例
行不准授案大學士等議曹端應准其從祀至從祀章程
例無明條應以闡明聖學傳授道統爲斷請嗣後除
著書立說羽翼經傳實能躬行實踐者准各該省督

撫臚列事實奏請從祀外其餘忠義激烈者入祀昭忠祠言行端方者入祀鄉賢祠以道事君澤及民庶者入祀名宦祠概不得濫請從祀文廟其名臣賢輔已經配饗歷代帝王廟者亦毋庸再請從祀文廟以示區別並請纂入禮部則例永遠遵行得

旨允行

穆宗毅皇帝同治元年

御書聖神天縱額於太學闕里及天下文廟

二年御史劉慶奏請補祀魯人毛亨河間顏芝增祀明臣呂柟楊繼盛復祀漢儒劉向鄭眾盧植禮部議

毛亨擬准其從祀文廟東廡列伏勝之次呂枏擬准其從祀文廟西廡列蔡清之次餘俱議駁得

旨允行御史劉毓楠奏附祀兩廡新章尙未允協請

飭大學士軍機大臣再行核議

諭內閣曰先儒升祔學宮久經

列聖論定至爲精當咸豐十年

文宗顯皇帝飭令酌定章程以示限制原以宮牆巍峻祀典至崇必其學術精純足爲師表者方可俎豆馨香用昭勿替茲據該御史以新定之章過嚴如宋儒黃震等均經禮部議駁謂士人皆以聖賢爲難幾必至人心風俗日流於

奇袤異端而不及覺推該御史之意必將舉古人之聚徒
講學著有性理等書者悉登諸兩廡之列方足以資興起
而德行之儒平日躬行實踐師法聖賢實爲身後從祀之
計議論殊屬迂謬所奏著毋庸議給事中王憲成請以明
儒方孝孺從祀並言各直省府廳州縣兩廡先賢先
儒位次每多凌躐有奉

旨准從祀者神牌尙未敬製入廟請

飭迅卽製造供奉

諭禮部議奏並

命將祀典次序繪圖頒發各直省督撫學政轉飭府廳州縣

等官遵照辦理其神牌未經製造入廟者迅卽製造供奉
禮部議方孝孺擬准其從祀祀典次序謹遵乾隆十
八年之例按年序次繪圖頒發並聲明從祀定例以
示限制得

旨允行

七年浙江巡撫馬新貽請以宋儒袁燮從祀大學士
九卿會同禮部議奏擬准其從祀列於西廡呂祖謙
之次得

旨允行

十年浙江學政徐樹銘等請以先儒張履祥從祀大

學士九卿會同禮部議奏擬准其從祀列於東廡孫
奇逢之次得

旨允行

皇上光緒元年江蘇巡撫張樹聲請以陸世儀從祀禮部
議准其從祀位在西廡黃道周之次得

旨允行

二年國子監司業汪鳴鑾請以漢儒許慎從祀禮部
議奏准如所請位在東廡后蒼之次得

旨允行

三年河南學政費延釐請以漢河間獻王劉德從祀

內閣禮部等衙門會奏擬如所請位在西廡董仲舒
之次得

旨允行

四年河南學政費延釐請以原任禮部尙書張伯行
從祀內閣禮部等衙門會奏准其從祀位在陸隴其
之次得

旨允得

五年浙江巡撫梅啟照請以宋儒輔廣從祀內閣禮
部等衙門會奏擬如所請位在西廡黃榦之次得

旨允行

十八年

誦內閣禮部等衙門議覆福建學政沈源深奏請以宋儒游酢從祀游酢清德重望在當時已與程朱諸賢爲人心所共推重所著各書足以闡明聖學羽翼經傳生平史傳昭垂允爲躬行實踐著從祀文廟在西廡楊時之次